

那文毅公二任直隸總督奏議卷六十八目錄

卷六十八

訓練武備

附酌定修製器械章程

疏通駐防旗兵

整飭邊戍限期

懇濟兵需

議設多倫諾爾廳學校

籌備新疆兵差

列三象之二在正嘉系中又言

目金

那文毅公二任直隸總督奏議卷六十八

男容安恭輯

訓練武備

附酌定修製器械章程

道光五年十二月十九日

奏爲直省營伍需人請

旨勅調陝甘將備數員俾資整飭事竊照直隸爲畿輔
重地營伍最關緊要臣前在京時仰蒙

特示周詳諭令實心整飭跪聆之下刻切籌思抵任後
卽查閱督標營伍雖官兵技藝向亦隨時操演而
紀律未備訓練未精正須上緊講求方可日有起

色至於兵丁所用器械鎗則火門鎗口寬大出子
無力而不正弓多欹凸雖不在挽強而拉弓撒放
亦均欠工夫其餘軍械亦多損壞虧缺經前督

蔣攸銛屢飭修整而一切尙欠講究

臣

現已設法

籌款分別添製補修並連日督飭中軍副將等議
設速戰陣隊挑選精健弁兵配以鎗箭長矛並擡
礮擡鎗合成一隊一俟挑配完備器械齊全開春
卽可趕緊督操按期教演併已通行各提鎮營亦
俱仿照章程一體挑備實力勤操斷不容稍事因
循上勞

宸厯惟是直隸各營員弁向由部中推選者居多其間
固不乏可用之材第此等員弁類皆論俸掣推則
資格較深年力已不無衰老其餘別項人員亦賢
否不齊一時驟難期其奏效因查陝甘將備向多
久厯戎行之員且臣在彼數任其平日之操兵辦
事亦已素所深知是以臣在京時曾經籲懇揀調
數員業已仰蒙

恩允茲特不揣冒昧開具清單尙求

皇上俯念直省營伍乏人准其飭調前來俾資整頓將
來遇有相當缺出卽由臣酌量奏請補用其該處

所遺員缺卽請

勅下署督

臣

楊遇春揀選妥員另行請補如此通融籌

辦在陝甘尙不致乏人而直省得有得力之員庶
於營伍獲有裨益謹

奏

甘肅大靖營遊擊興安保

陝西白土營遊擊馬明

陝西延綏鎮標中營遊擊張作功

陝西涇州營都司萬祥

陝西寧陝營守備向榮

奉

硃批直隸爲畿輔重地此係因時創行各直省不得援以爲例另有諭旨

道光五年十二月二十四日奉

上諭那彥成奏直隸營伍需人請調陝甘將備以資整飭一摺直隸各營員由部推選者居多不盡得力自應亟籌整頓惟揀調過多轉致無缺可補所有甘肅大靖營遊擊興安保陝西白土營遊擊馬明涇州營都司萬祥俱著准其飭調直隸差遣遇有相當缺出由該督酌量奏補該省所遺員缺著該署督揀選妥

員另行請補直隸爲畿輔重地此係因時創行各直
省不得援以爲例至該督自甘肅來京陛見時所帶
千總以下等弁俱著飭令回營歸伍該部知道

道光五年十二月十九日

奏爲酌定各營請修器械章程以昭覈實而杜弊端
事竊照各營額設軍械原係武備要需如遇動缺
損壞例應查覈年限隨時請修以備應用臣現在
查驗督標器械大半不能適用本應查明承辦之
員予以叅處第念官非一任事閱多年是以業經
籌款分別添製補修俾資教演但查各營請修軍

械在所時有向由藩司覈准詳報總督分別銀數
照例奏咨其所需工料銀兩候准部覆卽由該營
員具領回營自行製造工竣造冊報銷厯經辦理
在案惟是此項銀數動輒盈千約計每歲所需開
銷不下數萬若竟任聽營員徑領回營其究竟曾
否修製以及修製是否如式僅據空文具報已屬
無所考稽更恐不肖營員視無稽查藉爲彌縫別
項虧挪之計營伍旣須整飭錢糧尤應覈實節省
期無弊混查軍械一項武備攸關如果合例應修
固不能不准其查辦第所需物料工匠惟省城齊

備精良其餘營縣地方或地處偏僻諸料難得齊

備臣熟加籌酌嗣後凡遇此等請修之案一切仍

照例覈辦惟估需銀款無論多寡統俟奏咨覆准

後飭知該營一面赴司具領一面卽呈報臣衙門

派委妥員會同該營員就近在省如式監製工竣

將所製器械造送冊結由臣親加點驗如皆合用

再令領回倘稍有偷減卽予叅辦仍責令照數賠

修似此嚴立章程不特各營軍械咸歸實用且

帑項亦不致虛糜以杜不肖營員借端捏冒等弊仍

通飭各營遵照並行藩司立案如蒙

聖明允可並請

勅下各直省一體照辦庶工歸實在營伍可期實用似亦不無裨益謹

奏

道光五年十二月二十四日奉

上諭那彥成奏酌定各營修製器械章程一摺各營額設器械例應查覈年限隨時修補以昭軍實據該督查明直隸各營請修軍械覈明銀數分別奏咨俟准部覆後由該營員具領回營自行製造僅據空文詳報恐不免有彌縫虧挪情弊嗣後凡遇此等請修各

案所估銀數統俟奏咨覆准一面飭知該營赴司具領一面呈報該督派委委員會同該營員就近在省如式監製由該督親加點驗倘有偷減情弊卽行叅辦著賠以杜捏冒而嚴武備

道光六年正月二十八日

奏爲謹將辦理直隸地方營伍情形恭摺奏

聞事竊

臣

猥以庸愚忝膺

委任刻切冰兢自抵任以來除辦理地方公事而外卽以營伍事宜時時籌畫設法整頓前因員弁驟難得力器械亦欠講求曾經奏請揀調陝甘將備數

員來直襄辦業蒙

恩允欽感殊深伏思操練弁兵非徒樹厥聲威要在求諸實用鎗箭以準頭爲主刀矛以便捷爲先而其間進退聯絡尤須平時配成陣隊訓練純熟遇有調遣方爲有制之師臣昨將督標應需一切器械籌款添製現已將次齊全隨以所設速戰陣式挑就馬步守精健兵丁分配鎗箭長矛問以擡鎗擡礮排合成隊專意督操並將議定章程通行各提鎮營令其各就各營情形不必拘定成式斟酌辦理務期實在得力近據各提鎮陸續具報均已仿

照演練臣擬不時調考或明察暗訪不容稍有懈怠嗣後凡有各營員弁缺出當令該處選擬人員送至督標考較督標有缺亦飭取各營員弁考較何人技藝優長卽予拔取懲劣拔優務使彼此觀摩共資振奮卽此時各營路將備員弁臣到任未久難以周悉現亦陸續分班調省考驗如有年衰技劣之員卽當隨時甄劾以肅戎行臣受恩深重操之不得不嚴人皆苦於約束則嫌怨必多然理出於正心得其安仰仗

聖明信任怨誹亦所不避要使將備兵丁咸知振作庶

幾

帑不虛糜兵歸實用謹

奏奉

硃批所奏均悉

道光六年二月十九日

奏爲大名鎮存城兵少不敷備戰請裁撤海口官兵
以符舊制而重操防事竊查大名府屬七州縣地
方遠在直省東南延袤三百里挿入豫東兩省之
間左界曹州右界衛輝習俗素稱强悍且壤地三
省相連盜賊往來避匿緝捕尤爲不易前因豫省

有河北鎮總兵東省有曹州鎮總兵大名界在其
中止有副將一員聲勢不能連絡經前督臣方受
疇奏准添設總兵及都守等官並抽撥兵九百八
十七名分布各處揆之形勢洵爲至當惟辦理未
能切要徒有其名未得實濟茲查大名一鎮界統
順廣大三府營汛較多地方遼濶實爲各鎮所無
雖名有三千八九百兵而分布三府地方汛路之
外存城之兵無幾今大名鎮左右兩營存城兵共
止一千名本營各有應辦公事除去字識匠藝及
差遣站役等項實在操練之兵不能得有五六百